

# E Le Tuua Lava Na o Ia

Ae faapefea pe afai e toe faamanu'alia Etana ae e leai se tasi na i ai iina e fesoasoani?



palapala. Sa ia taumafai e tu i luga, ae sa pei e mu lona vae . E matuai tiga lava!  
"Fesoasoani mai!" O le ee atu lea a Etana. Na tafe ifo loimata i ona alafau. Sa taufetuli atu tamaiti ma faiaoga e fesoasoani ia te ia.

"O le a le mea ua tupu?" sa fesili atu ai se faiaoga.  
"Ua gau lo'u vae!"

E le o le taimi muamua lea na gau ai se ponaivi o Etana. Sa le o le taimi lona lua po o le lona tolu foi! Sa maua Etana i le faama'i o ponaivi vaivai, o se ma'i na faigofie ai ona gau i ona ponaivi. E oo lava i mea laiti, e pei o le laa ese mai le auala po o le fetoi i se tasi, e mafai ona gau ai ona ponaivi.

"O le a matou valaau i ou matua e ave oe i se fomai," o le tala lea a le faiaoga. "O le a lelei mea uma."

Sa fiafia Etana sa i ai tagata iina e fesoasoani ia te ia. O loo tiga pea lona vae, ae sa ia iloa o le a saogalemu o ia.

Na o atu Tinā ma Tamā i le aoga ma ave Etana i se fomai. Sa faasimā lanumoana lona vae ma alu atu i le fale e malolo.

Ona o le gau o lona vae, sa faaalu ai e Etana le tele o le taimi i le moega. Sa tele ni ana tusi e faitauina. O nisi taimi e o mai ai ana uo e taaalo ma ia i taaloga. Ae sa i'vā pea o ia.

I se tasi po, na ala a'e ai Etana ma sa le mafai ona toe moe. Sa taumafai o ia e malolo, ae sa popole pea

o ia. Ae faapefea pe afai e gau so'u ponaivi ae leai se tasi o i ai, e pei o le leva o le po? Sa mafaufau ai Etana. Sa tatavale lona fatu. Sa lagona lona fefe.

"Tamā!" O le ee atu lea a Etana.

Sa tamoe atu Tamā i le potu o Etana. "O le a le mea ua tupu?"

"Ua ou fefe," o le tala lea a Etana. "Ae faapefea pe afai e toe gau se isi ponaivi ae leai se tasi o i ai iina e fesoasoani mai ia te a'u?"

Na saofai ane tamā i autafa o Etana i luga o le moega. "O se manatu taufaafefe lena," o lana tala lea. "E tusa lava pe tatou te taumafai ia faaeteete ma saogalemu, e mafai lava ona tutupu mea leaga. Ae po o le a lava, o loo leoleo mai le Tama Faalelagi ia te oe."

"O lona uiga la e faatasi mai o Ia ia te a'u i taimi uma?" Sa fai atu ai Etana.

"Sa'o lelei lava." Sa opo lemu e Tamā ia Etana.

Sa mafaufau Etana i le vave na sau ai Tamā e fesoasoani ia te ia. Sa ia iloa e alofa Tamā ia te ia ma e manao i taimi uma e fesoasoani ia te ia. Atonu na faapena foi le Tama Faalelagi.

O le aso na sosoo ai, na faitau ai e Etana se mau i le mekasini o le Uo . Fai mai, "Ia fiafia, ma aua le fefefe, aua o A'u o le Alii ua Ou faatasi ma outou, ma o le a tu i tafatafa o outou."\*

Sa lagona e Etana le toafimalie ma le saogalemu ina ua ia faitauina le mau, e pei lava ona ia lagona ina ua ia talanoa ma Tamā. Sa ia iloa o le Agaga Paia lea sa faamafanafanaina o ia. Sa pei o loo ia toe opoina tamā.

Atonu o le a gau nisi o'u ponaivi, na mafaufau ai Etana, ae o le a ou le toe fefe. Sa ia iloa o le a le tuua lava na o ia. ●

\*Mataupu Faavae ma Feagaiga 68:6.



O le a se taimi na e lagonaina ai le alofa o le Tama Faalelagi?

Saunia e Gabrielle Shiozawa  
(E faavae i se tala moni)

O lenei tala sa tupu i le ISA.

Sa faalua e Etana ona vae i luga o le taupega. Sa ia alu maualuga ma maualuga atu. O le matagi na ia lagona ai na pei ua lele!

Ona ta mai lea o le logo. Sa mapuea Etana. Sa le'i saunia o ia mo le uma o le malologa puupuu.

Na laina tamaiti e toe foi i totonu. Sa faalemu e Etana lana taupega. Ona ia laa ese lea mai le suigi e toe foi ai i le vasega.

Ae ina ua tau vae o Etana i le eleele, sa ia lagona ina se tiga matuitui i lona vae. Sa pa'u o ia i luga o le